



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

Broj: **UP-1/21-2-40-308-3/24**
Datum: **30.07.2024. godina**

«Agencija za vodno područje rijeke Save» Sarajevo rješavajući po zahtjevu Investitora KARASALIHović MUJO iz Kiseljaka za izdavanje vodne saglasnosti na projektnu dokumentaciju za ispuštanje tehnoloških otpadnih voda iz poslovnog objekta-automehaničarska radnja koja se planira graditi u naselju Male Sotnice, općina Kiseljak, na osnovu člana 139. stav 1. tačka 3. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98, 48/99, 61/22), **donosi:**

R J E Š E N J E **o vodnoj saglasnosti**

1. Investitoru KARASALIHović MUJO iz Kiseljaka daje se vodna saglasnost za ispuštanje tehnoloških otpadnih voda iz poslovnog objekta-automehaničarska radnja na zemljištu označenom kao k.č. broj:1314/50 K.O. Brestovsko, naselje Male Sotnice, općina Kiseljak, a na osnovu projektne dokumentacije:
 - Glavni projekat vanjskih hidroinstalacija, stambeno-poslovni objekat automehaničarska radionica, šifra: 60.AM.PER.VI/24, Juni 2024. godina urađen od „PERSPEKTIVA-inženjering“ d.o.o., Visoko.
2. Projektna dokumentacija navedena u tački 1. ovog rješenja ovjerena u skladu sa odredbama člana 114. stav (3) Zakona o vodama se vraća na trajno čuvanje investitoru i čini sastavni dio ovog rješenja.
3. Vodna saglasnost se donosi na osnovu utvrđenog činjeničnog stanja i pregleda dostavljene projektne dokumentacije iz tačke 1. dispozitiva koja čini sastavni dio ovog Rješenja, prema slijedećim uslovima:
 - 3.1. Radove na izgradnji sistema za prikupljanje, tretman i ispuštanje otpadnih voda sa lokacije automehaničarske radionice izvesti u skladu sa projektnom dokumentacijom iz tačke 1. dispozitiva ovog Rješenja.
 - 3.2. Način ugradnje separatora i stavljanje istog u pogon uskladiti sa uputama proizvođača opreme u svim fazama.
 - 3.3. Na odvodnom cjevovodu, neposredno iza separatora, izvesti posebno revizijsko okno koje će služiti kao okno za uzimanje uzoraka (monitoring okno).
 - 3.4. U toku radova iskopani materijal se ne smije ni privremeno odlagati na česticu „vodno dobro“, odnosno u vodotoke i na njegove obale.
 - 3.5. Prilikom izvođenja radova treba koristiti opremu i mašine koje su tehnički ispravne, bez nekontrolisanog isticanja tečnih goriva, maziva, hidrauličkog ulja i sl.
 - 3.6. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim, kao i postojeće korisnike voda.
 - 3.7. Sve kolizije sa postojećim instalacijama (elektroenergetske, telefonske, kanalizacije, i ostale infrastrukture) na lokaciji, ukoliko do takvih situacija tokom izvođenja radova dođe, rješavati će se uz saglasnost mjesnog nadležnog preduzeća, koje će dati tehničke uslove za izvođenje ovih radova.
 - 3.8. Manipulativnu površinu potrebno je izvesti sa odgovarajućim nagibima i pripadajućim slivnicima.
 - 3.9. Podnosilac zahtjeva je obavezan ispoštovati uslove iz Rješenja o urbanističkoj saglasnosti broj: 03-19-637/22 od 13.11.2023. godine izdata od Službe za gospodarstvo, urbanizam, zaštitu okoliša i komunalne poslove, općina Kiseljak.
4. Ukoliko izgradnjom predmetnog objekta dođe do promjene režima površinskih ili podzemnih voda, a ta promjena prouzrokuje štete ma kakvog karaktera, Pravno lice je obavezno uzroke štete otkloniti, a procjenjenu štetu nadoknaditi.

5. Po završetku izgradnje predmetnih objekata i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. i 19. Pravilnika o sadržaju, obliku, uslovima, načinu izdavanja i čuvanja vodnih akata („Službene novine FBiH“ broj: 31/15, 55/19, 41/20 i 63/22).
6. U periodu važenja ovog rješenja, Investitor je dužan provoditi sve mjere i aktivnosti propisane u dispozitivu ovog rješenja kao i uslove propisane od strane drugih nadležnih organa ukoliko iste nisu u suprotnosti sa uslovima iz ovog rješenja.
7. Ova vodna saglasnost prestaje da važi istekom roka od 2 (dvije) godine od dana njene pravosnažnosti, ukoliko do tog dana nije pribavljeno odobrenje za gradnju i započeti radovi.
8. Vodna saglasnost se može izmijeniti ukoliko za to nastupe razlozi utvrđeni u članu 130. stav 1. tačka 1., 2., 3. ili 4. Zakona o vodama („Službene novine Federacije BiH“, broj 70/06).

O b r a z l o ž e n j e

Investitor KARASALIHović MUJO iz Kiseljaka se dana 21.06.2024. godine obratio ovoj Agenciji sa zahtjevom za izdavanje vodne saglasnosti na projektnu dokumentaciju za ispuštanje tehnoloških otpadnih voda iz poslovnog objekta-automehaničarska radnja na zemljištu označenom kao k.č. broj:1314/50 K.O. Brestovsko, naselje Male Sotnice, općina Kiseljak.

U provedenom postupku dostavljena je i pregledana sljedeća dokumentacija:

- Kopija lične karte;
- Kopija pravosnažnog rješenja o urbanističkoj saglasnosti broj: 03-19-637/22 od 13.11.2023. godine izdata od Službe za gospodarstvo, urbanizam, zaštitu okoliša i komunalne poslove, općina Kiseljak.
- Kopija Rješenja o prethodnoj vodnoj saglasnosti broj: UP-1/21-1-40-399-6/23 od 01.11.2023. godine izdata od Agencije za vodno područje rijeke Save, Sarajevo;
- Dokaz o uplaćenju upravnoj pristojbi na zahtjev.
- Glavni projekat vanjskih hidroinstalacija, stambeno-poslovni objekat automehaničarska radionica, šifra: 60.AM.PER.VI/24, Juni 2024. godina urađen od „PERSPEKTIVA-inženjering“ d.o.o., Visoko.
- Konačni izvještaj o izvršenoj reviziji projektne dokumentacije, Juni 2024. godina urađen od „Zavod za vodoprivredu“ d.d., Sarajevo.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Razmatrajući predmetni zahtjev i priloženu dokumentaciju utvrđeno je, da je priložena sva dokumentacija propisana odredbama čl. 8. i 19. Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20 i 63/22).

Na osnovu dostavljene dokumentacije uz predmetni zahtjev od strane stručnih osoba Agencije sačinjeno je Stručno mišljenje broj: UP-1/21-2-40-308-2/24 od 03.07.2024.godine kojim je utvrđeno da je dostavljena Investiciono-tehnička dokumentacija, Glavni projekat vanjskih hidroinstalacija, stambeno-poslovni objekat automehaničarska radionica, šifra: 60.AM.PER.VI/24, Juni 2024. godina urađen od „PERSPEKTIVA-inženjering“ d.o.o., Visoko, urađen od strane pravnog lica, koje ima Ovlaštenje izdato od strane Federalnog ministarstva poljoprivrede, vodoprivrede i šumarstva (sa liste „A“), i da je ista urađena u skladu s uslovima utvrđenim prethodnom vodnom saglasnošću broj: UP-1/21-1-40-399-6/23 od 01.11.2023.godine, te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju iz tačke 1. dispozitiva ovog Rješenja, data je vodna saglasnost na isti.

Na osnovu naprijed navedenog, a u skladu s članom 114. Zakona o vodama i člana 7. Pravilnika o sadržaju, obliku, uvjetima, načinu izdavanja i čuvanja vodnih akata, riješeno je kao u dispozitivu rješenja

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Zalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Voditelj postupka:

Remić DŽ., dipl.iur.

20 Po ovlaštenju —
Rukovodilac Sektora za izdavanje vodnih akata

enar
Nihad Pezo, dipl.ing.građ.



Dostaviti:

-KARASALIHović MUJO (Prilog: Ovjeren projekat i Izvještaj o reviziji)

Ul. Male Sotnice bb, Kiseljak

AVP Sava, ISV-vodna knjiga,

- Sektor 40 – arhiva

-Oglasna tabla AVP Sava-Sarajevo